

桴亭先生詩集

桴亭先生詩集卷七

太倉陸世儀道威著

辛丑至癸卯

初春十四日郁子儀臣靜觀樓雅集卽席口占

以下
辛丑

六街燈火爛如霞，簫鼓聲中樂歲華。勝友相過無俗

事，一春詩思在梅花。

聖傳爲酒令座中人占一絕句句中必合春梅兩字

陸秋玉山中看梅不果，貽詩索和依韻賦答。

去春風雨梅邊過，今歲花開更少緣。鐵石有心難作賦，羅浮無夢不成眠。臨風何處聞三弄，惜別應知又

一年最是山中詠梅客梅花不見也堪憐

十七日龔子古民拙齋雅集步吳魯岡先生韻
舍後藏新築深居遠市聲溪流隨地合花木比鄰成
靜侶多無事山蔬不待烹從容杯酒裏幽句喜相賡
又次古民韻一絕句

輕風細雨溼江城好客相過不用迎滿座詩成春意
發梅花一夜吐微英

雙溪小隱詩十六首爲曹暉吉賦

春田鋪錦

春田碧草滋開花散成綺天半朱霞生坐臥明光裏

夏苗新綠

平疇一夜雨蛙聲亂如沸起視前村苗照眼綠無際

秋霽黃雲

何處黃雲生一望蔽阡陌幸際秋成時喜無戎馬迹

冬歌午夜

燈火夜村明簫歌劇有情終含辛苦意不是冶遊聲

虞山遠眺

虞山高幾許遠望青一派入我小窗中贈我雲林畫

雙浦臨流

門前雙流水水急沙痕淨夕照下歸帆參差兩相映

曉樹籠煙

露氣曉何重前村杳靄閒分明數株樹錯認米家山

夕陽返照

家住東海濱海候日夕異返景薄煙濤時時成蜃氣

櫓聲清杳

村流多小艇咿啞至更深不是江湖舶風濤易戒心

游魚潑刺

子非水中魚安知魚之樂通川網罟密莫厭溪流濁

高隴披襟

高原心目豁登頓時一眺披襟當雄風快哉發長嘯

庭隈曝日

庭隈無北風野曠得日早不用賦無衣賴此黃綿襖
偕農話野

野次逢農夫晴雨時相問絕勝市朝人機心不可近
伴犢耕煙

黃犢何苦辛耕罷汗如沐猶勝入廟犧束縛啖芻粟
長吟獨嘯

抱膝坐衡茅時成梁父句慎勿發高吟恐有英雄顧
瞑坐移時

閉門萬累絕胸中無一事不覩不聞中義皇千古意

二月三日集魯岡先生達齋卽次魯岡韻

昔日鹿門多隱者望衡對宇往來頻牀前獨拜人耆
舊湯餅相過會率真世外年華忘晉魏座中詩句鄙
梁陳嶺頭花發君知否大地陽回別樣春

次韻答毘陵竺生兄見寄之作

誰能與世共爭妍息影滄江古樹邊老去琴書徒散
漫興來魚鳥共留連躬耕竊擬陶元亮博物全輸張
茂先渭北江南無限意相思不覺又經年

題江湘客行樂小像

衛玠丰神映玉山輕裘緩帶紫雲綸請纓未遂終軍

志坐對春風盡日閒

鯨骨鶴

曾聞昔日鵬鵬化不覺榆枌笑學鳩脫骨未能離鮑
肆騰身便欲上揚州翺翺自得軒車樂束縛還仍涸
轍憂不舞不鳴終日住卻令庾亮笑殷劉

送江虞九之新安卽答贈三山邵是龍兼呈同

學諸子

山迴溪轉氣冲融甌越翻爲天地中

晦翁語

一自考亭

開道脈至今閩海有遺風學經造次守方見交在精
神志乃通君到新安煩致語天涯雖隔此心同

讀四明梵林高士詩史卻贈

昔人重闢幽閭巷多可紀木蘭焦仲卿千古芬頰齒
時衰風雅息直道亡譽毀侯門仁義存貧賤徒爲爾
遂令數百年寂寞無快史方外有高人采風好奇詭
徬徨山澤閒搜討徧遐邇務窮幽隱情欲以彰厥美
軒冕非故遺附和我所恥匹夫匹婦心賴此以不死
二月廿八日集顧殷重宏志堂祖送滇南文介
石先生是日聞海上圈田信

惡風吹雨十日臥九龍灣頭泥沒髀昨朝忽作一日
晴夜半翻盆屋幾傾顧子招我三簋約短笠輕蓑衝

雨過是時溟南方戒途座上相與爲驪歌先生居婁
二十載海上日日春風和傳聞牛斗櫂檣見正值東
南光似練又聞廟算重清野十萬桑田拚割捨人生
至此當奈何惟有高歌淚盈把先生去矣天南邊德
星又向天南懸善人所在兵氣隱安得普天率土共
受先生塵

吳門金孝章六十袁重其五十徵合壽詩賦贈
秋風叢桂月初圓兩地桑弧一日懸處士星高光正
爛蘭陔日暖色方妍千秋倫鑒稱師表百里供親號
大賢聞道十年兄事禮同心合壽並堪傳

甌山士

越甌底山有鄉塾師亡其姓氏丙戌之役與鄉人約曰吾不復食矣當活埋我若等爲我備兩缸覆之鄉人給曰諾越日索缸鄉人遂置之猶以爲戲也先生於山陽命開壙置缸端坐令封好鄉人果覆之又越日鄉人呼曰先生先生曰諾鄉人曰爲先生出之先生曰入不復出矣連呼五日皆應至六日遂絕聲越人稱之曰甌山高士雲門梵林述其事係之以詩并來索和爲作甌山士一首

甌山士甌山士甌底山頭授書史人生何用讀五車
但須一識忠孝旨輅車北來飲江水金鳬銀雁飛都
市越國風塵高蔽天兩缸覆我甌山前上有碧落下
黃泉冥冥長夜年復年普天絕無乾淨地甌山猶存
土一簣

越舟女

越舟女亦雲門梵林所述丙戌錢塘不守越
城騰沸婦舟競出舟塞港不得前遇騎將掠
之婦女皆相持入水至聯舟俱空

越舟女越舟女盡是深閨洞房侶一朝鐵騎過錢塘

撇捩聯舟赴江渚君不見臨安城深春睡濃日高妝
鏡猶緘封蘇公隄頭二三月畫船歌舞來春風遊人
近前面發紅相將竟入馮夷宮越舟女越舟女節義
芳名吾與汝誰向王家秉國成忍使江潭葬羅綺君
不見古公之郊無怨女

贈虞山孫孝維三十詩

君家夙昔本神仙偶作人間住世緣朝佩蘭英遊澧
浦夜吹藜火讀遺編周郎顧曲方英少蘇晉長齋亦
妙年聞道相將河朔飲興來欲放剡溪船

又贈虞山孫孝維三十

朱門有貴客顏色踰瑤華玉佩曳輕雲高冠燦朝霞
目窮二酉山胸貯十牛車清歌妙若神立言愜幽遐
更念浮生因齋心禮陀耶人處濁世閒疾如駒隙過
三十悟無生舉目皆土苴常從梵天游世榮安足誇
三月初二日同石隱聖傳儀臣過鴻逸春星草

堂

郊郭新晴細路斜春風攜手兩三家村莊處處如鋪
錦不是桃花卽菜花

柏木橋邊春草堂麥風吹浪野花香攜琴載酒春風
暮小酌微吟白晝長

四月十二日集蔚儀王子銘非堂卽事

斜風細雨弄春寒策杖衝泥興未闌爲愛素心同日
夕非耽逸樂互盤桓學能自得空立釋詩有奇箋異
鄭韓相對夜深重秉燭不堪往事涕汨瀾

時魯岡先生述崇禎

時舊事

十三日集儀臣靜觀樓卽事步魯岡先生韻

薄晴天氣共登樓雨腳猶存水面漚自有燒豬堪入
社何須投筆羨封侯一觴一詠致足樂輕暖輕寒渾
欲秋吾輩疏狂君莫笑幾人無事在心頭

貞松篇爲余澹公郡伯母夫人賦

貞松高高極天偃蓋直上青雲顛
淦冰茹雪不知歲
但見洪濛一氣相連綿
修枝摩蒼穹孤根結重玄
千年化石作神物
徂徠雷雨時蜿蜒
翠實離離大如斗
遺種雙生在岡阜
參天復作棟梁材
來蔭江南百萬畝

贈江陰孔蓼園葺梧塍家廟詩
蓼園孔子六十
六世孫長予五歲從學於子

地闢天開卽有人
直從東魯定人倫
爵崇南北誰能

並

孔氏有南北
宗俱賜爵

位在賓師孰敢臣
闕里宗圖方遠錫

時

衍聖公遺宗人以宗
字號四出分錫宗人

梧塍祖廟又重新
素王支派

高天下克紹心傳始是真

和石隱傷足自慰之作卽用十一尤韻

年登杖國盡扶鳩老健偏矜足力道杜甫階前泥正

滑子春堂下步難收那堪木榻埋頭坐

管寧坐木榻當雨膝處皆

穿石隱傷膝故云

只合隆中抱膝休海上近聞征調急塞翁

髀折未須憂

又戲成一律并書贈

誰道今人非古人姓名前後恰相因著書窗下雙王

育

漢人有與石隱同名者亦著字說

傷足堂前兩子春

石隱舊名子春

工力

未知誰據勝遭逢也)是一般屯莫教吹入浮屠耳添

得輪迴一說新

讀黃端木孝子尋親紀程一百韻卽贈孝子

吾吳有至人人稱黃孝子貌不踰中人口不言戚否
恂恂鄉黨閒靜好若處女兩親宦滇南相隔萬餘里
兵戈方阻絕異國各疆圉苟非大師克相遇安可擬
孝子孱弱質獨身奮衣起時維辛卯秋臘月嚴寒裏
倉皇去家室慷慨歷城市由浙經江西南楚穿湘澧
沅靖至晃州遂入滇黔鄙千山與萬山千水與萬水
春夏秋冬閒寒暑及風雨豺狼所窟穴盜賊所結聚
苗獠所出沒瘡瘍所吞吐突兀骷髏關縱橫犀象伍

森嚴奪魂魄奇詭蕩肝肺孝子志益堅鐵石爲心腑
晝夜不休息疾病不停止灑血足彌奮瀕死神益鼓
大險悉若夷竟達雙親所借問從者誰孤身挈行李
一囊與一蓋下惟一草履雙親在絕域變亂不勝數
土司始發難流寇旋攻取全滇如鼎沸乾淨無寸土
出沒任斧鑕奔迸偕虎兕不屈幾試劍再奮復遭縲
大德天所佑終幸獲福祉棲遲白鹽井萬念成敝屣
豈無鄉井思妄想徒爲爾孝子忽東來彷彿人與鬼
相對牽衣嘯拭淚還驚視地北與天南離生兼別死
豈期一日閒骨肉重相敘鄰人滿牆頭相顧皆出涕

獬獬與棘人亦作侏僂語孝子謂大姚絕域非桑梓
或歸或不歸兩親愼所處大姚謂孝子我亦欲東耳
安能兵燹餘鬱鬱久居此顧吾生計竭誰與贈資斧
吾昔多門生患難頗相倚山川遠隔絕此事當累汝
孝子應聲作上前再拜跪更從迤西行視道眞如咫
一進青蛉城三入姚安治楚雄及鶴慶劍鄧諸夷部
城牆震頂脊海水沒腰膂往返又三千厯盡諸艱阻
徘徊壬辰冬歸裝方有緒門人共祖道百計猶援止
行行重行行顧我同門士并州如故鄉揮淚不能已
孝子初來時隻身無伴侶艱辛雖萬狀生死惟一已

此時歸途中兩親與幼弟弟或任勞苦兩親齒衰矣
早暮須調攝食飲須甘旨登涉須扶持疾病須噢咻
僕夫四五人尤難善驅使知慮苟不周肘腋生齟齬
孝子足精誠一身兼婦豎曉行問歧路晚宿探逆旅
涉水試淺深登山詢蛇虎膳飲必親供枕簟必親理
溺器必親滌衣裳親浣洗倉皇有急難應變疾如矢
強暴或窺伺未形卽消弭迂回夜郎境經互牂牁壘
嚴關何以度夫守鎖鑰啟幽險何以出蠻夷皆執禮
更有洞庭厄此非人所主檣傾舵復裂江魚礪其齒
掀天駭浪中萬斛如一蟻須臾竟卒渡豈曰非神祐

入江雖稍安風雨蒸溽暑親眉未展舒子心詎能喜
季夏方抵家始脫征途苦憶昔任大姚實從癸未始
去家十載餘今適當癸巳孝子出門行亦復經三祀
五百三十日足跡無寧晷厯京省凡七三十有三府
州縣與衛司筆不可勝記二萬五千程寸寸芒屨底
異國聞其賢俯首生愧恥況吾同里人寧不羨高矩
一時共激勸萬戶同哆侈流傳動風人載入宮商譜
村莊八九月處處築場圃父老挈兒童賽社看歌舞
見者爲揮淚聞者爲誇詡孝子彳亍行葛屨侵霜趾
兩親在高堂菽水猶艱舉葉公好畫龍真龍反遭侮

寄語世間人毋爲混朱紫

同友人至安義留別同學

世事如翻覆端居忽遠征時危江海穩命賤別離輕
旅況依童僕家艱仗友生謀身殊未易努力祝昇平

錢塘行

海門光發曙星上舟人解維候潮長數舟相傍參差
行捩舵開頭水聲響天邊日出光溟濛曉起不辨江
西東青山兩岸斷復續千里百里來羣龍聞昔錢塘
形勢壯怒濤如雪兼天浪奔流直至富陽山商賈雲
屯魚鼈旺何年沙漲江形蹙三尺清波侵馬腹潮聲

不上湧金門城邑蕭條生氣薄只今時事尙多艱絡
繹兵車互往還虎牌日日驚船埠馬矢朝朝滿市闔
更聞青海人塘沸處處山頭望廷尉舟人相戒過溪
灘談虎猶看色驚畏民生憔悴久無聊況是今年旱
魃驕江南江北數十郡六月無雲土盡焦我發吳閶
向東浙場圃從無禾稼列村村罷市避兵行門闔泥
封煙火絕人生值此總堪傷如火征徭迄未央何時
得覩太平樂青山綠水恣徜徉

自錢塘至常山溪行

清溪七百里日日鏡中行有水皆鋪石無山不入城

千村紅樹色一路畫眉聲
安得嚴灘老相攜足此生
過釣臺有感

漢時風俗猶淳樸帝腹無難讓
草茅一命便須忘舊
友何能天子惜窮交

羊裘澤畔老編氓天子親迎不肯行
漢室山河今在
否釣臺終古屬先生

上灘行

朝上灘暮上灘灘高水急何艱難
青山如削兩岸盤
牽舟百丈浮雲端碧流澈底素石攢赤者琥珀青琅玕
手掬碧流弄素石舟行舟行爾何迫
佳景當前良

可惜

下灘行

上灘一何遲下灘一何駛飛泉百道來溪流疾於矢
筒車軋軋石齒齒小舟如葉坐篷底砉然長嘯清風
生山奔谷行樹披靡回首沙際上灘舟竹篙犖确喘
未休人生順逆有如此何用區區歎亨否

常玉山道中

孔道當江浙山村昔晏如何年遭喪亂今日剩邱墟
破屋猶兵氣居民半虎餘驛騷殊未已哀此釜中魚

登滕王閣

漳江水急接天流高閣重新江上頭才子文章千古
在滕王名姓至今留西山南浦來朝爽城郭人民起
暮愁獨立憑欄無限思浪花吹滿白蘋洲

旌陽宮

朱楹碧瓦麗層霄聞說仙宮自晉朝鐵柱夜騰妖蜃
氣藥臺春長舊丹苗功存捍禦神靈肅澤在人心廟
貌昭劫火幾回燒宇宙魯靈光殿獨岿然

亂後城中
俱燬惟旌

陽宮
獨存

南昌昔稱繁庶城之東南皆宗室與搢紳大家
也變革後復遭金王之亂靡有子遺迄今十

二年矣西城生氣漸復東城一望猶邱墟如
故詩以弔之

昔日繁華地今成瓦礫邱王侯青草燐紅粉白波漚
事業竟何濟傷殘徒爾羞蒼茫一憑弔歎息淚空流

過梅嶺

梅福昇仙處

章西深僻處十里兩峰交嶺路多緣澗山田半在坳
泉聲春紙戶竹色射甍巢梅尉飛昇後無人更結茅
界溪

地在山巔居梅嶺長嶺兩峰之間寬闊十里
許中饒土田居民以種竹春紙爲業金王之

亂兵燹不及土人多熊氏人稱界溪熊

去地已十里兩山圍四邊石橋雙澗合村塢一沙圓
生計嶺頭竹傳家屋下田天成遺種處擇地羨前賢
熊氏之先名兆宋布衣
受業晦菴之門號拙逸

安義山皆赤土過長嶺憑高下望恍蕩如紅霞

喜成一律

豁然過絕頂一片見紅霞赤縣那堪似丹丘未足誇
雲陰疑日照臘盡忽春葩錯認河陽冶幾成滿縣花
除夕時在江西安義署

年年除夕在衡門蘋藻雖微祭祀尊穉子易衣隨拜

舞老妻洗手奉雞豚擎杯堂上慈親喜賜食廚中小
婢喧齒髮已衰非仕宦天涯留滯不堪言

新正安義署中懷故鄉諸同學

以下壬寅

東風吹鬢忽新年客邸韶光倍可憐江國地寒花減
色山城戶少市無煙清吟孤閣春燈迴小酌空軒夜
雨懸遙憶故園三盞約可能常繼兩年前

新正初三日從安義載米之吳城途中值大風

雨雪凡四日夜泊舟荒江感而賦此寄示家

中兒輩

流光荏苒過五十忽有三今夕是何夕乃在荒江次

雨雪暗江來風聲復加厲孤燈篷底宿雙足縮如蝟
船頭急浪鳴終夜不得寐遙念家鄉閒未審何所似
年凶賦斂急卒歲諒無計親老子復拙妻孥亦愧悴
寄此數石穀聊作饗飧費人生當遲暮進德乃可貴
飄搖二千里俯仰逐儕輩棄捐千古業俛首事書記
補救無足稱蹭蹬殊可愧悠悠蒼天高欲哭不成淚
寄言家中人衣食良匪易

吳城

湖口一沙斜村莊萬戶賒人煙通百粵舟楫走三巴
夜雨漳蘭市春風蘇酒家西江苦寒地對此漫生嗟

張睢陽廟

捍禦功勳烈江淮廟貌尊一時羅鼠雀千古祀雞豚
天地心猶在風塵色更昏英靈如可作慷慨欲同論
安義元宵

良宵三五夜如何燈市徜徉也一過客裏酒杯沾醉
少異鄉風俗笑人多□□□□□□□□舞逐隊兒童入
署歌久住山城嫌寂寞任隨佳節恣婆娑

署中兀坐

好春日日但兀坐風光滿天無處游紅桃白李那過
眼惡書亂札徒埋頭未知鹿洞幾蠟屐何日龍溪還

言集卷四
泛舟放曠山川不自得片帆逐浪大江流

憶家園桃樹

忽憶故園春色裏繞溪三十樹桃花輕寒薄暖好天氣
深綠淺紅堆曉霞村釀三杯午睡醒風亭一榻客談賒
而今寂寞江城晚愁對西風落照斜

溪頭小桃樹新栽成枝憶成一絕

新桃初接已成枝夾柳參桐傍水湄映戶未看花灼灼
到家應見子離離

仲春初七日同周允祥郊外一步

春郊結伴作春行二月新晴衣履輕地近天南炎熱

早水來峰頂澮溝明野菴僧去廚煙寂山縣人稀過
客驚忽憶故園當此景東風楊柳亂嘯鶯

龍津渡看調馬

春江水淺岸沙平嫩草如茵細細生驕馬未調初試
勒健兒方壯競爭名蹁躚影入垂楊遠跼跋聲來綠
野輕多少太行騏驥足鹽車跼躑但悲鳴

試射

野寺門斜竹樹稀修江沙淨水痕微已將玉勒調驕
馬更選琯弓射落暉新月初彎雙鏑響輕塵不動一
星飛老夫筋力衰慵久也向圍場一解衣

懷白鹿洞歌

我來西江遊半爲白鹿洞白鹿近在几案閒咫尺相
看總成夢新年主人入郡中拉我同往聽松風春寒
雨急去不得連宵寤寐皆忡忡主人歸來向我笑此
行不共亦殊妙名賢勝地昔所聞況是春丁祭祠廟
洞主祠官聯轡入騶從如雲人翕集洞生肅穆四十
餘鞠躬盡向山前立須臾俎豆滿山祠禮生贊禮祠
官揖旣灌而往不足觀燎火初熄人聲謹祭公自古
不宿肉陳平分肉作宰寬仲叔高風不可學歸遺盡
是東方朔忽焉人散車馬空止剩青山對榱桷可憐

欂櫨在青山風雨無人四壁斑絃誦何時聞再作樹
頭山鳥鳴閒關惟有高峰稱五老屹立當空向晴昊
峰下長松百尺長離立如人拱官道吾聞此語長歎
息自古人亡原政息山川草木有何能栽培總是名
賢力當年李渤讀書臺白鹿曾游洞裏來地僻山深
靈秀聚高人過此多徘徊秘書先生心獨苦竭力經
營爲千古金谿一席講堂開快論驚心汗如雨只今
山水自年年堂構音容尙儼然義利芳規開卷在西
江誰肯讀遺篇

同周允祥蕭漢桓同登南城壕塔塔爲徐吏部

士衡所建倣安慶式製極奇巧內外都不用
木一磚直上中爲螺旋拾級以登惜工力不
繼僅五層而止登其巔平敞如臺高曠極目
乍看修塔起城壕九仞功虧一簣高鶴欲下巢難著
腳螺雖有旋不成尻合尖似歉人工少到頂翻誇眼
界豪安邑彈丸何足論只今匡蠡一秋毫

清明日同署中諸友出郭閒步

風雨浹晨夕曉起天忽露日出山泥乾郊郭同縱步
岸淨沙逾白水集江漸大剛來新燕子飛飛兩三箇
維時正清明人家上墳墓紙錢一何微樸俗守其素

憶我江南天祭埽方如鶩士女攜酒肴踏青笑盈路
游子何不歸松楸動哀慕客悲易傷人棄去且勿顧
徘徊大塘寺躑躅龍津渡小邑無勝遊所歷皆再過
幸者雨沾足田疇起耕作終歲倘獲豐久客亦無惡

城北再試射

淺草綠蕪平城頭落照明春和綾臂短風暖晝稍輕
箭急林鶯避鶻鳴窟兔驚莫嫌頻習武盜賊正宵萌

時聞靖安
有山寇

出西郭

村郭帶清谿風光似灤西水行橋上下山出樹高低

農人於隔溪引水
水多從橋面行
遠屋雞豚足平田
菜麥齊西江農
事早黃犢已耕
耕分體
本作翻犁

密陂

密陂爲一邑水源昔有古堰今廢不修治邑
多畏旱故特訪之

爲訪源頭水

安義八景有台頭活水卽此

來遊到密陂雙谿分遠

澗一堰障清漪石嘴隄穿溜沙崩岸走歧

隄旁又廢決一口

興民命在慎勿憚修治

台山菴

聞昔朱晦翁曾遊此蓋爲熊拙逸周舜弼李

晦叔劉炳文諸門人來也

聞道台山上名賢昔此過不因蘭若秀應是素心多
山水佳無盡風流迴不磨萬松天際響猶似聽絃歌
夜雨不寐

無端作客向天涯九十春光萬里家蝴蝶夢遙天未
曙蝦蟇更急雨如麻

昔人謂木杅警
夜爲蝦蟇更

海雲漠漠吳山

杳湖草青青楚水賒記得去年新漲裏小亭修竹聽
鳴蛙

龍津春漲二律

東風吹雨過山城一夜春江水驟生柳岸蒲汀涯不

辨浴鳧飛鷺眼俱明臨流塔寺開門汲接渡舟航減
客行只恐桃花隨浪下波閒神物欲相驚

百里修江極望來環村帶郭水潏洄連朝不斷千峰
雨一夜爭奔萬壑雷無數落花成錦浪滿前輕綠發
新醅春畊最是三農喜坐聽歌聲處處催

壽金陵侯表妹丈五十時同在安義署

廿年蹤迹徧天涯不覺星星上鬢華避暑亭酣菖葉
酒海山樓俯荔枝花壯時每共陳遵轄老去還同博
望槎客邸莫嫌春寂寞滿前鼓吹有鳴蛙

戲呈同事

千里參軍遠道隨城深草木聽鳴鷗校書欲近檀公
肆礪齒常過漂母祠頓遜黃河仍曲直媿隅白小更
神奇中原徐鉉方歸聘□□□□□□□

代答確菴

一官如寄坐空寮山縣無人晝寂寥午市正開看鬪
雀曉衙方報聽鳴蜩折腰五斗歸難賦築室千峰隱
自招若問荒城何所有不須防虎更無潮
時確菴來詩有日聽潮聲夜防虎之句

代答石隱

窮愛官評一字稱而今窮字得能憎民窮到骨應難

療撫宇心窮孰肯矜

時石隱來詩有窮是官評一字箴之句

答確菴見寄之作兼呈虞九時確菴從楚歸虞

九亦在新安幕也

十年講論共艱辛一夕風塵盡隱淪豈料鵝湖爭座
客盡如馬隊校書人經綸補救翻成恨山水登臨亦
悵神張翰歸心秋正切江鄉祇恐欠鱸蓴

按行狀作七絕一首云廿年學道共艱辛一夕風塵盡隱淪何意鵝湖登座客半爲蓮幕捉刀人與此小異

答聖傳石隱諸兄見寄之作

無端千里作驅馳楚水吳山雨鬢絲總爲賤貧離別

易卻因衰病往來疲西川杜甫頻搔首彭澤淵明未
皺眉鹿洞鵝湖何處是雞栖豚栅隊中嬉

五日龍津觀競渡四首

龍津渡口鬪龍舟岸闊風狂水急流千戶競觀人似
蟻六龍齊奮浪如邱鼓聲欲碎夫人杖麾影平沈太
尉旂卻憶鄱陽河上戰只今惟有去來鷗

方舟作駕幔爲亭移棹中江泊淺汀一望水光連野
白四圍山色向人青蛟騰龍躍天俱動鼓急旂橫晝
欲暝聞道海波猶未息健兒莫令老滄溟

汨羅弔屈自年年習俗相沿盡失傳艾黍未聞沈水

去蛟龍先已向波旋旌旗影裏金鱗動鐃鼓聲中白

浪顛底用近

疑當作競

誇身手好總來乘馬勝乘船

昆明初鑿漢宮池武帝雄心寄水嬉一代軍功成內
政千年畫鷁競河湄長江已不分南北壯士何勞習
鼓旗回首西山紅日照暮雲飛雨過城陴

聞登善湖北歸卻寄

羊腸鳥道未崎嶇宦海風波頃刻殊豈有詩書成斧
鑕卽看薏苡作明珠青天雷電方驚壓幽谷陽春忽
又蘇世事浮雲總無據五湖煙景儘堪娛

寄答翼微九咸二子

長路關山首重同。片雲飛傍楚江隈。誰云周續談經
至。只是淵明乞食來。客邸情懷催我老。故鄉消息使
人哀。問江南旱不能
蒔兼有海警少年搖筆知才健。潦倒吾驚鬢
雪皚。

牛女二星主人閒耕織之事自齊諧有織女渡
河之說而詩家紛紛以此爲戲讀宋邕北斗
佳人雙淚流眼穿腸斷爲牽牛之句嘻甚矣
旣鄙古辭又多今感因成二律

天上人閒事一般。雙星此夕會雲端。可憐畊織終年
苦。僅得河橋半晌歡。服輓戴星供賦早。七襄終夜報

章難寄言田叟和工女從古如斯莫怨歎
河漢盈盈一水歧兩看牛女在河湄衣供雲錦難拋
織賦急天家不下犁烏鵲情多空助駕銀橋路窄暫
牽褱莫嫌天上歡娛少猶勝人間竟別離

又天孫乞巧二律

誰道天孫天巧多天孫雖巧奈愁何星流夕漢梭無
盡錦燦朝霞織易過貴在帝家難望赦機支天上亦
須科最憐終歲常勤動止博牽牛一渡河
莫道天孫巧不多天孫畢竟莫誰河牽牛小隔還相
見烏鵲遙飛卻喚過雲錦自然非浴繭機絲常在不

催科民間多少化離女歲歲無梁難濟河

中秋夜坐月

去年此際別鄉關
浹歲逢秋尙未還
一夜思歸頭盡白
月明如雪滿千山

玉簫金管雜名謳
行樂憑人說虎邱
料得石場今夜月
清暉不是昔年秋

答郁存齋見寄作

家鄉景况近何如
聞道南樓尙可居
風雨知交還載酒
晨昏父子自攤書

石隱書來云朋儕甚苦
惟存齋父子德業俱勝

壯懷流水他年杳
良友晨星此日餘
登涉勝情無勝具
不如

歸臥老吾廬

答陸鴻逸見寄之作

九月風高氣轉清
亂松枯草對愁城

時江南旱甚五月不雨

夢

魂千里故鄉遠
客思一天秋雁橫
野埤鳴宵有火

安義地多以埤稱時方嚴盜警

荒溪水涸夜無聲

署內有溪山泉流注時久旱竟絕

詩來忽憶家園樂
握手春郊漫送迎

秋晚登署樓

秋老署樓清
登臨正晚晴
城低平野入
葉盡遠村明
水際馬羣立
沙邊人獨行
高風吹我袂
忽忽動鄉情
江楚大旱早
晚禾稻俱不登
差繁賦急感而有

賦

絳雲如山矗天左
夜夜燒空秉炎火
天河水竭星宿
乾潭底蛟龍守泥坐
從來江左誇腴田
三湘七澤相
鉤連一朝盡化作焦土
千里飛沙沒人股
君不見南
詔軍書日旁午
驛騎持符怒如虎
溝中捐瘠可奈何
空村夜哭愁催科

宿署樓夜雨

作客近經年
鄉心絮絮牽
暗山孤署冷
鳴雨夜樓懸
歷亂城頭柝
迷茫江上船
一宵渾不寐
翻作五更眠
冬至前一日大風

節候逢冬至微陽正養和如何長日夜忽作大風歌
樓欲空中舞身疑海上過無窮人世慮不覺鬢成皤

冬至日得雪

數載希聞雨雪飄喜逢呈瑞是今朝故鄉此日知同
慶明歲祈年或可徼眼底塵勞聊戲爾山中風月自
相招青春作伴還鄉去鄧尉山中可挂瓢

聞文介石先生歸途卒於湖廣之桃源縣遙哭

四首

廿年相聚忽西東回首交情似夢中萬里微官猶正
朔一方絕學是宗風滄桑尙喜邱園在雨雪翻悲道

路窮寂寂雲山千疊裏白楊黃草葬衰翁

身世天涯總不殊難忘邱隴是吾儒千重嶺嶠雙蓬
鬢萬里風霜一敝襦避地已無東海哲移天安有北
山愚祇餘魂氣隨孤旆夾路深林啼鷓鴣

聞說桃源好避秦卻教榮綺枉迷津衣冠幽谷三更
月書卷空山一片雲誰道孤臣心似鐵可憐新鬼髮
如銀蒼梧帝子魂何處鶴唳猿啼應共聞

猶記扁舟祖送時一樽別酒百篇詩晨昏飲啖殷勤

囑山水登臨鄭重期共羨蘇卿歸塞北

先生在婁十九年爭

看疏廣返家祠誰知日月曾無幾爲位空菴哭九疑

婁東諸同學爲先生位
會哭於所寓之曇陽觀

登署樓第三層望西山積雪

西山高幾許積雪耀層樓日映光逾麗煙開色欲浮
海濤初捲浪崑玉頓成邱一笑天地改欣然忘百憂
積雪奇在暮危樓更縱觀光來渾不瞑風起賸生寒
林壑依稀在峰巒漉漫看不須明月照白壁夜光攢
過赤土坪

赤土坪無草木生一波欲起一波平斜陽影裏輕輿
過如踏紅霞天上行

正月三日喜曹尊素至署夜談

以下癸卯

同在故鄉睽別久，卻於此地漫相逢。須眉乍見驚俱白，事變頻遭話並濃。躑躑風塵非鞅掌，浮沈樗散只潛蹤。新春幸際屠蘇酒，莫怪山城酒不醲。

元宵署中同尊素夜飲

異鄉佳節易傷神，幸喜銜杯有故人。曼衍魚龍聊作戲，喧闐兒女亦開顰。

安義元夕多龍燈，入署盤舞兒童婦女隨之。

管絃急

聽家鄉曲，燈火俄成海市春。

曹使爲鰲山，又善度曲，與主家僅吹洞簫倚歌。

相和焉。

倘得良宵盡，如此羈人何用歎風塵。

答王石隱見贈作

無端作客滯山川，楚尾吳頭又一年。豈是講經來馬

隊卻令元亮費吟篇

答宋子猶見贈作

聞道韓康隱市城
兒童婦女盡知名
何時得覩丹經要
好與先生負杖行

答歸玄恭寄贈作

比來狂態定如何
戚莫悲愁喜莫歌
多少人閒顛倒事
乾坤只好醉中過

寄陳確菴

秋風索索雨霏霏
江岸泥深蟹正肥
猶憶尉遲潭上醉
解衣染指坐忘歸

江生位初才而不遇以詠物詩八首見寄詩以
慰之

擊劍論文意氣多不堪人事日蹉跎雄才莫怪頻遭
抑李杜何嘗是制科

從劉秀升孝廉乞矮桃桃長僅二尺結子將熟
則核自吐苞仍含

聞道天桃種傳來自海南花開長僅尺核結吐仍含
豈學王戎李應同董素柑從君乞一樹小圃寄幽探
樓居六首

我昔好樓居豁達喜無礙仰窺天維高俯矚地軸大

衰年迫世運意興無復賴乾坤莽寥廓舉目但蒙昧
日光照我面自覺非昔態少壯何迂愚反掌握三代
誰知頭鬢白乞食千里外開廂展書讀自顧發長喟
高山何巍巍遠水何悠悠日夕見山水不離樓上頭
我來西江隈飈忽已二秋束縛竟何益蹉跎徒爾羞
春風吹柳枝新綠徧芳洲物類雖無情乘時亦油油
我有萬古懷焉能日淹留會當縱六翮遐覽丹山邱
晨鼓曉衙催暮鼓晚衙畢晨昏鼓冬冬吏冗無朝夕
山縣雖少事案牘亦狼籍書生昧時務黽勉效寸尺
豈敢云代庖聊以當食力清暉照戶牖白日真可惜

子生固頽惰何竟事茲役攬鏡時一顧歎息復歎息
晨曦入高樓照我樓上書書中何所有上言唐與虞
唐虞何所似悶悶復于于奈何自茲往與彼絕不如
坤乾職覆載上下理或殊鬱儀與結鄰時時失其居
棘荆軻蘭芷窮奇啖騶虞我欲展書讀再四還躊躇
但恐造化驚掩卷姑徐徐

王勃賦西山乃在樓之東朝夕拄頰看佳氣鬱龍蔥
晴飛半嶺雪雨吐千丈虹迴薄隱田疇紛披產芎藭
聞昔梅子真棄家隱其中何必果飛昇累盡神乃充
但恐今時山未必古時蹤縱無高枕地徒使心憧憧

吾聞匡廬高高且萬丈餘下有猿鶴棲上有神仙居
去此三百里極目蒼天迂望望隔青靄浮雲蔽空虛
培塿何其多厯亂環城隅孔周不可見乃與噲等俱

題歐峰十二景

雲居晦山師子舊同學也已亥歸吳相約爲
雲居白鹿之遊比子至安義去雲居不百里
欲一過參而師又復渡大江往黃梅挂錫矣
人事錯互且老嬾成癖不獨白鹿遠不及過
井雲居亦未至白鹿舊春曾作歌懷之雲居
獨惘然今將歸矣無可寄意夏日偶讀晦師

歐峯十二景喟然有懷因信筆拈十二絕句
冀有便羽以寄晦師一則以當臥遊一則以
當神晤也

明月湖

形如圓月恰拱寺門每初日出金光蕩漾注
射臺殿縣令蒲秉權建石坊其口題曰明月

湖

俱晦山
注下同

雲居山勢聳青蓮中有明湖注玉泉恰似寶華千葉
底當心一滴露珠圓

五龍潭

四山之水匯於月湖湖流瀉出三里許將出口忽有龍潭五天然鑿圓而第五潭乃大龍渦瀑水懸挂遠如匹練與匡廬爭勝

五龍潭水五潭圓龍去潭空剩碧泉只有一潭龍不去倒垂銀甲萬峰前

趙州關

以趙州訪膺祖曾到此故名至今叢蘚石壁上
有趙州關三大字

訪友尋師不憚艱鐵鞢踏破萬重山無窮關捩都穿透更有何人爲設關

佛印橋

以佛印鼎建得名今號碧溪橋然蘇東坡詩
云欲與白雲論心事碧溪橋下水潺潺則是
在佛印時先名碧溪矣而紫柏詩云佛印橋
頭夜月涼必追思佛印後以人名也在寺前
學士才名徹九霄印公機捷不相饒當年二妙歸何
處碧澗青山空石橋

石鼓峰

其形正圓面如削成恰橫架上而向常住上
有四大字相傳佛印遺蹟

圓石橫空似鼓懸留題名蹟久相傳
砵匄一震乾坤動此石原來本寂然

鉢盂山

適當明月湖前端正周圓天然作案

萬仞峰頭一鉢眞千秋常對寺門新
星辰夜夜施天食風雨朝朝洗剎塵

羅漢塔

在西嶺上至今屹立洪覺範石門集中宋太
平興國時一龐眉僧在雲居患瘡洞爛遇武
牢僧慧了爲洗摩獲愈甚有恩惠臨別語了

曰若至湘江可訪我於南嶽石厓峰且贈一
紙裏去後發視則瘡痂也心甚惡之投之火
發異香怪而藏之遂往訪果途遇談笑極歡
問石厓峰安在老僧望南嶽一指隨卽隱形
了後進方廣寺見十六羅漢注茶半託迦尊
者卽龐眉僧也驚喜之極後又飛至南臺了
感斯奇異歸雲居卽前送別處取瘡痂建一
塔至今稱羅漢塔焉

昔時羅漢昇天去此塔猶名是託迦不信上泥能變
化卽看舍利是瘡痂

雲頂田

雲居之奇在峰頂有田青疇綠畝環遶寺門
初夏農興雲裏歌聲唱徹空際誠世外絕景
雲居山頂好田疇水旱凶荒百不憂最是人間希有
處催科不到萬山頭

蓮華城

雲居外望山勢最雄纔一進嶺坦然平正四
面峰圍儼如蓮華又宛然一大城郭蘇黃圓
悟稱爲天上雲居佛眼亦謂雲居甲於江左
內有湖南祖庭絕勝

誰把蓮華變作城枝枝葉葉自分明一城人住蓮華裏恰似西方上品生

羅漢牆

繖居顓愚大師輦石壘成堅繖廉隅莊整不朽石上有羅漢垣三大字

烏道雲蘿六七盤山中日月到來寬此閒空色原無界多事阿羅強設垣

神宗御筆

唐宋古蹟多廢不存神廟中諸緣斷公奉敕重建特恩寵賚御筆頗多今禪堂懸扁曰寫

過未能柱曰智水消心火仁風埽世塵神廟
御書名山壯觀輝煌萬載

標題御筆鎮山門將謂山門賴此尊豈料百年塵劫
換御書反賴法王存

復合神鐘

寺有巨鐘中葉院燬居民輒至聖水塘裂開
大鑿寺重興昇歸覺復合不擊自鳴者累日
壬辰夏余爲手書梵咒於上令僧撞擊以濟
幽冥焉

何年怪物敢興妖不擊能鳴覺自消神筆梵書成鐵

畫棒槌百八任昏朝

新秋

遠客無所苦悵然心自悲況當新秋時涼雨吹葛衣
矚目視層霄浮雲颺西馳原頭禾黍熟比屋動新炊
烝嘗久疏闊俯首念歸期

銅雀妓四首

英雄敢欺人大言色無沮築臺本游觀謬云將耀武
二喬不能致美色總塵土三歸表功勳朝夕教歌舞
誰知天王家不克庇儔侶月黑昭陽殿複壁冤魂語
魏公晚得志高築起臨漳天命已在躬臺池效文王

金珠耀層構銅雀森翺翔房櫳粉黛列戶牖椒蘭芳
歌鐘日夕喧不聞讀禪章詒謀有定算賣履及分香
分香何紛紜賣履亦細碎頭白如皓雪欲誑紅粉淚
紅粉青樓人生平工作僞情人尙無情何況老死魅
露盤金銅仙辭漢亦流涕懸知妓人淚不向西陵墜
西陵臺之西縣縣復纍纍美人高臺上朝夕朝靈几
奏樂舉哀聲欲淚還復止疑塚七十二哭向何者是
抱頸有嗣王幸君知我喜矧茲臺中人行雲逐流水
石馬碑未出銅雀臺已圯止餘臺下瓦磨墨編青史

曉發德安

日出曙光浮繁星沒渡頭白雲山塢曉紅葉野塘秋
亂水迴車馬荒田宿鷺鷗彫殘殊未起征斂使人愁

德安道中

曉發德安縣匡廬已在目山尊侍從衆百里起林麓
繁如星麗天紛若棋覆局纍如螺行泥竄若蛇走瀆
委蛇復聳峙高下遞起伏維時天方明微靄漏初旭
露光溥四野草木皆起沐白雲如輕綃宛轉東山腹
朝起人力銳輿馬互相逐歌呼入林莽笑語動山谷
扶攜陟岡巒凌兢渡澗曲叢山鮮居人樵牧偶不子
睢肝驚過客徒倚共窺矚忽然山徑轉豁達見平陸

旱潦多傷殘間亦半成熟老穉收遺穗烏雀飽餘穀
菜麥正及時耕播勤灌沃厯落平疇閒時有負犁犢
高原霜後樹風動紅謾謾西江雖貧瘠風景固不俗
行行及隘口兩山勢并束左顧爲匡廬高峰半天矗
右山亦雄偉對峙儼城郭意欲相匹敵形勢少弱薄
中饒良田疇廬舍頗連簇林巒互映帶澗水競縈複
晉宋諸名賢纍纍見芳躅柴桑尙有橋讀書猶有屋
昭明王逸少池墨見斑駁兩人俱有墨池一在歸宗一在開先古來名
勝地高人每卜築及其久而衰往往祀乾竺平陂理
或然興替情所觸歸宗與開先游者趾相屬堂臺侔

王公金碧窮土木壁間新石刻層疊不勝讀約略覽
姓名多半岳與牧豈無兵燹災指日計興復乃知象
教力今古並神速舊聞此山陽有洞名白鹿先賢所
遺構名稱貫九服所歷多廢興徒傷茂草鞠近聞頗
修營竊恐未彬郁古人重餽羊稍整願亦足日落山
路昏逆旅競投宿明晨訪五老策騎江城北

過歸宗寺

昔賢名勝地捨宅供阿羅山水風流在碑題舊迹多
池痕猶帶墨溪色欲浮鵝不盡登臨興恩恩愧一過
聞有三峽橋之勝未及一訪

讀晦公集有題歸宗牡丹詩訪之時已槁矣因

成一絕

洛陽名種世同珍偶向山中現剝塵今日根株俱盡
露色空悟後見全身

昭明讀書臺

昭明讀書地池墨尙依稀六代鉛華在千秋事業非
日斜僧磬發風起谷雲飛猶似梁王駕傳呼到翠微
遊開先寺

四山迴合處一徑萬松稠遠澗斜歸寺孤峰迴入樓
客稀僧久定地僻虎常遊欲問飛泉勝還登最上頭

題青玉峽

飛泉千尺下石峽兩崖開積雪涵春水崩雲出怒雷
勢迴龍欲起聲急虎應猜高嘯層巖上長懷漱玉臺
蘇長公稱漱玉臺爲開
先最勝處疑卽此地

過白鹿洞題壁

仰止於今三十年此來重得拜先賢山中鹿洞常如
昨座上臯比孰可傳五老對人如晤語高松隔澗似
鳴絃只今義利猶應講寂寞空堂思惘然

五老峰歌

予慕五老峰癸卯孟冬來遊南康已三日經

歸宗過鹿洞白雲時封不得一覩寓中有小樓正對之早晚坐臥願得望見十一日下午濡筆作此歌推窗而日光晶瑩五老全身盡露應是山靈爲我一開生面也喜而記之

何年五老人來往廬山頭上攬錯列璀璨之星辰下瞰分畫位置之九州先與羲皇聖人爲結契後與秦漢唐宋公卿隱逸爲綢繆朝亦廬山頭暮亦廬山頭不樂攀龍與附鳳惟與洞中白鹿相嬉游不聞玉簫金管聲惟聞洞中書院士子講誦而呶呶同時海內有五嶽崔巍廣大亦與此山頗相伴又云此山高萬

丈海內無與爲匹儔五嶽世受王者封爵比三公上
諸侯惟爾五老寂寞山之巔清風明月互唱答木石
鹿豕同夷猶五老輒然笑此事奚足爲我五老羞吾
聞食人食便須爲人謀古來登封與望祀玉帛牢醴
奔走重沓來祈求中央有水旱嵩嶽當引爲己憂南
西北東四維有災沴衡恆泰華分其尤厯年九萬六
千歲何年無水旱何年無災沴五方享祭不聞稍稍
分劣優上天神明或者默用其賞罰下民何知未免
祁寒暑雨相與歎息而喁喁吾居廬山巔不受祿一
卣石飲洞庭水左挹彭蠡流山僧樵牧日來往世事

與我同蜉蝣有時氣力暇出雲興雨亦與下土爲喚
咻大或被萬國小或沾一邱總由帝力於我五老亦
何有千春萬古常優游

出鄱陽泛大江作

一葉橫過彭蠡秋大江東下接滄洲半天畫界開長
塹萬里奔山送急流南國君臣常恃險北來車馬每
生愁靖康渡後虛名失不用投鞭穩放舟

哭亡兒允純時從西江歸也

別時相送到江邊歸後靈魂在几筵誰道亡兒纔兩
月我今不見已三年

老年欲哭恐傷生每到傷情自抑情最是夢魂難做
主五更嗚咽到天明

西安葉靜遠特過訪道臥病郁儀臣齋頭踰月
至除夕前三日稍有起色諸友攜酒殺就牀
頭共酌之各賦一律

三載江湖賦式微扁舟風雪乍來歸羽毛幸未同華
表城郭將無似令威所喜白頭還健在卻悲青鬢事
全非向隅咽淚題詩句遠客驚看亦涕揮

桴亭先生詩集卷七終

後學陸慶釗敬校